

藝

菊

志

藝菊志五卷

嘉定陸廷燦扶照氏輯

詩二

七言古

採菊篇

梁簡文帝

日精麗草散秋株洛陽少婦絕妍姝相呼提筐采菊  
珠朝起露濕沾羅襦東方千騎從驪駒更不下山逢  
故夫

嘆庭前甘菊花

杜甫

簾前甘菊移時晚青葉重陽不堪摘明日蕭條盡醉

醒殘花爛漫開何益  
籬邊野外多衆芳  
采纈細瑣升中堂  
念茲空長大枝葉  
結根失所纏風霜

十月二十日買菊一株置於郡齋松竹之間  
目爲歲寒三友  
王十朋

三百青錢一株菊  
移植窻前伴松竹  
鮮鮮正色傲霜性  
不逐重陽上醺醺  
誰云旣晚何用好  
端似高人事幽獨  
南來何以慰淒涼  
有此歲寒三友足

希真堂手種菊花十月始開  
歐陽修

當春種花惟恐遲  
我獨種菊君勿謂  
春枝蒲園爛張錦  
風雨須臾樂顛倒  
看多易厭情不耑  
圖紫誇紅隨

俗好豁然高秋天地肅百物衰零誰暇弔君看金蕊  
正芬敷曉日浮霜相照耀煌煌正色秀可餐藹藹清  
香寒愈峭高人避喧宇幽獨淑女靜容修窈窕方當  
搖落看轉佳慰我寂寥何以報時攜一樽相就飲如  
得貧交論久要我從多難壯心衰跡與世人殊靜躁  
種花勿種兒女花老大安能逐年少

菊花

曾鞏

菊花秋開只一種意遠不隨桃與梅遊人有幾愛孤  
獨零落野水空崑隈層層露萼間枝葉金靨萬個圓  
蒼苔直從陶令酷愛尚如有我見心眼開爲憐清香

與正色欲寒更惜常徘徊當攜玉枕就花醉一飲不  
辭三百盃

其二

東籬菊花今已開萬物各自相驅催却尋桃杏那復  
有舊樹參差空墻隈年光日日已非昔人世可能無  
盛衰朱顏白髮相去幾勢利聲名相抑排三公未能  
逃餓死九鼎竟亦爲塵埃乃知萬事皆自在有便只  
宜持酒盃

九月五日對菊小飲

李綱

淵明愛此九日名對酒無錢可留客杜陵爛醉作生

源可荒空嗟未堪摘我今鼓枻遠長淮坐見幽叢爛  
漫開自從多病久不飲又爾一洗黃金罍東南節物  
誠已早翠葉金花爲誰好三徑荒蕪爾尚存未覺出  
山同小草世間萬事皆可忘且須泛此酬秋光平生  
最愛老坡語菊花開口卽重陽

買菊

楊廷秀

老夫山居花繞屋南齋杏花北齋菊青春二月杏花  
開抱瓶醉臥錦繡堆涼秋九月菊花發自折寒枝插  
華髮湘纍落英曾幾何陶令東籬未是多吾家蒲山  
種秋色黃金爲地香爲國就中更有一丈黃霜葩月

蔬耿出墙飲徒無酒尋不得尋得一身花露香如今  
小寓咸陽寺有口何曾問花事百錢擔上買一株聊  
伴詩人發幽意

山園草間菊開席地獨酌

陸游

屋東菊畦蔓草荒瘦枝出草三尺長碎金狼籍不甚  
摘掃地爲渠持一觴日斜大醉叫墮幘野花村酒何  
曾擇君不見詩人跌宕例如此蒼耳林中留太白

甘菊

梅堯臣

世言此鮮制顏齡便當園蔬春競種到秋猶得汎其  
英爛醉莫辭官有俸

栗里菊

王質

花藥之列無先我菊宜露宜風大率宜肅其次蘭桂  
饒山林氣菊不敢先迭爲仲季在我窩兮不欲枯山  
容貴癯神貴孤塵外有塵中無

甘菊

王質

我取友兮得甘菊叢高葉低貯清醴石盂幡纒乳花  
飛錯落紛敷間寒絲入顧渚入蒙山所思兮烏可捐  
樽兒桂子爭芳鮮

菊花歌

鄭思肖

太極之髓日之精生出天地秋風生萬木搖落百艸



苑正色與秋爭光明背時獨立抱寂寞心香貞烈透  
寥廓至死不變英氣多舉頭南山高巉峩

菊

謝枋得

淵明豈但隱逸人淵明素懷諸葛志清香不獨占秋  
天菊潭一滴三千歲

酬宋浞賈黃二學士

田錫

靖節先生曾賞菊東籬有霜花正開翰林王人人賞  
菊北門吟咏有餘才一唱再和才力健兼金酬以瑛  
瓊瑰善歌使人繼其志遠寄淮陽知郡吏淮陽郡中  
方燕居跪讀重緘尺素書中有五章章八句復有

章同一處五章千葉菊花詞一章副翰學士詩一章  
酬和季左司人前再讀與三復人從日邊初到時飲  
手先問諸學士駭目乍驚文字奇兩制別來今已久  
朝寄宛丘權太守眼底惟嫌簿領繁耳冷不聞騷雅  
言重陽錫宴不得與湛露空思奉至尊忽捧新詩若  
爲意聞詩勝得千金賜受知益感恩顧深吟賞請言  
清麗致清如玉樹生天風麗若露花開錦宮水精盤  
中置明月絳大珊瑚枝葉紅珍則難酬青玉案文律  
詞鋒併化工因事喻懷堪自惜神化丹青與刀尺丹  
青暈淡刀尺裁先春雪中生早梅春饒桃李及時發

牡丹占斷芳菲來芍藥羞人嬌且如玫瑰倚欄笑欲  
語帝里春從何處歸巫山雨散朝雲飛遺紅墮翠歸  
天下不失年年三月期天生百卉各有時彼何太甚  
此何遲蒹葭蒼蒼凝白露西風蕭蕭向秋暮月華饒  
落有霜華暎籬叢薄生黃花花寒葉冷無蜂蝶固無  
寶馬與香車每因九月當重九暫時采擷浮樽酒金  
鉤浮動萬歲盃爲君慶祝南山壽菊不能言爲作歌  
金壺酒傾生綠波重臺千葉若堪賞栽培好近金鑾  
坡

淵明采菊圖

胡乘龍

葛巾翩翩玩秋風義熙有此歸來翁南山荒徑亦何  
有黃花迎笑籬之東平生聞道不慍窮冷淡亦與黃  
花同風霜歲晏吾與汝肯逐桃李爭春紅寒香盈把  
欲誰贈繞籬三嗅心沖沖停雲遠在天一方八表慘  
淡將焉從渡江仍孫馬化狗伐荻小兒蛇作龍憂來  
惆悵清尊空解事白衣乃相逢一觴進我忘憂物浩  
歌目送南飛鴻

送菊

范梈

臥病高秋留海浦明日重陽更風雨杜門不出長蒼  
苔令我天涯心獨苦籬角黃花親手栽近節如何獨

未開含芳闕采亮有以使君昨暮徵詩來凌晨試遣  
霜根送畚土雖微甚珍重極知無意競秋光往作橫  
窻歲寒供憶我初客天子都西垣植此常千株結花  
年年應吹帽始信南邦事盡殊願得封培自今日何  
間朱厓萬家室秋香端不負乾坤但嘆簫管亂儔匹  
歸去來今雖得歸念歸政自莫輕違他日采英林下  
酌誰向清霜望翠微

劉常州宅對菊醉歌

柳貫

菊花高株高一丈葩萼垂盂棗承掌攬先節物作重  
九亂點秋花入屏幌黃黃白白鬪新品大朵如擎小

如仰或稽紅紫當獨秀詎識幽閒無競賞天工似爾  
費彫刻人力可堪專灌養京華樂事全盛時隙地買  
栽隨意賞誇多直擬衛霍傳豈顧家微百金享常州  
使君開畫堂簷網連榻出虛敞集芳作譜爲娛賓賴  
有筵前玉舟雨不知誰舸載傾城但道我屋無藏鏹  
過從數客問前茅出節何時試英蕩可能輕別負芳  
期遂使寒香淪宿莽孤根有託俟歲晚急景如流嗟  
運往我歌君飲君當酬明日霜河催去槳

題墨菊

黃鎮成

江南九月秋風涼秋菊采采金衣黃近時丹丘出新

意却洒淡墨傳秋香青城學士曾題藻散落人間共  
傳寶卷舒造化入毫端回首東籬自枯槁東陽傅君  
心好奇何處得此秋霜枝湖湘衲子遠相貺筆勢迥  
與丹丘齊香雲細蹙元玉屑老幹拘斷烏金折不隨  
粉黛學時粧自與幽人同志節淵明已逃屈子沉晚  
香縱有誰知心感君畫圖三嘆息爲君長歌楚天碧

山中信宿忽念菊馳歸

胡森

南山悠然且信宿忽念東籬數葉菊命輿欲趁晨光  
熹巡籬一嗅清風穆金莖濯濯沆瀣浮玉衡采采繁  
星藍霜葉半悴聊復滋苦心自抱君應足不將絕艷

矜春閨祇與幽人伴芳躅遊絲都掃綠蕪沒拄杖空  
庭踏秋月仙露一枝扶顏齡濁醪數斗澆清骨我曹  
多慙淵明侶洗耳濯纓才近汝九日還同節序來人  
情不與花枝古我昔金陵百數本同遊少年並華省  
俛仰歸來幾歲寒故人何處杼幽憤君不見山中蔣  
詔容易老一樽欲共裘羊倒裘羊不來可奈何只恐  
零落花枝多眼前得酒且高歌慎勿學牛山墮淚空  
揮戈

晚菊

周文璞

亭亭砌下黃金花霜後顏色如矜誇玄英摧折百卉



盡獨自照耀山人家。湘累晨餐不論數，千載高丘獨  
無女。君不見天寶杜陵翁，晚節嘗爲少年侮。

白菊

宇文虛中

西風蕭颯百艸黃，南齋白菊占秋芳。主人好事不專  
費，損送客館分幽香。幽香清艷兩難得，冰雪肌膚龍  
麟哀。悄然坐我薤珠宮，玉斧瑤姬皆舊識。仙家藝菊  
名日精，我今號爾爲月英。月中風露秋夕好，感此仙  
種來層城。憑君傳與金天令，月與霜姿駐清景。重陽  
好伴白衣來，五柳先生憶三徑。

采菊圖

劉因

天門折翼不再舉袖手四海橫流前長星飲汝一杯  
酒留我萬古義皇天廟堂袞袞宋元勳爭信東籬有  
晉臣南山果識悠然處不惜寒香持贈君

詠菊

明太祖

百花發時我未發我若發時都駭殺要與西風戰一  
場徧身穿就黃金甲

對菊

陳獻章

淵明無錢不沽酒九月菊花空在手我今酒熟花正  
開可惜重陽不再來今日花開顏色好昨日花開色  
枯槁去年對酒人面紅今年對酒鬢成翁人生百年

會有終好客莫放樽罍空貧賤或可驕王公何乃束縛塵埃中簪裾何者同牢籠

過相城和天全翁賞菊

吳寬

菊花開日是重陽坡翁妙語不可當我云但得花之趣何必秋來菊有黃神仙中人壽且康老年見客纔下堂幅巾飄飄映華髮導我直過東籬傍菴居春風定先到已見菊苗三寸長浩歌淵明飲酒章悠然依舊虞山蒼素琴無弦舊有例當春賞菊嗟何妨封題一笑報蘇子爲我轉致陶柴桑

賞菊宴

陸樹聲

金甌瑟瑟庭院涼疎叢點綴來秋堂博山無烟花氣  
香荷衣蘭佩羅四傍朝霞清泛雲錦裝抽黃擷白紛  
成行露痕洗濕鉛華粧牙籤墨繪相輝光君不見洛  
陽魏紫與姚黃祇將顏色驕春陽孰與此卉爭孤芳  
貞姿冷艷欺風霜陶翁身世等羲皇愛此晚節中徬  
徬主人雅好同柴桑花前留客開壺觴我家山中三  
徑荒悠然對此心境忘便拚花底晝酩酊笑指南山  
幽興長

楊和吉西雲亭賞菊和韻

郭鈺

西雲亭上酒初熟西雲亭下滿秋菊主翁把菊飛酒

觴彩箋自寫陽春曲舊觀菊譜不知名今日按行心  
始足靚粧洗粉舞霓裳醉色扶嬌剪紅玉就中一種  
菊之王高花獨號御袍黃縹緲翠華下南苑玉環飛  
燕叅翺翔誰言老圃含淒涼雅懷不愛春花香地偏  
佳色承曉露天清老氣排秋霜府司伐木震山海嗟  
爾寒花獨光彩長歌把酒酬淵明歸來三徑今何在  
座客酒酣多氣槩我獨看花發長慨晚歲更爲松竹  
期他時莫逐蕭蘭改

菊

李羣

甘谷之下潭水清上有菊花無數生谷中人家飲此

水能令上壽皆百齡漢家宰相亦不俗月致洛陽三十斛遺蹤蕪沒無處尋夜雨春風長荆穀

郡丞劉公子仁以立道由諫垣外補量移吳郡署後高齋黃羽翼之顏日晚香亭諸生莫叔明要余作歌

王世貞

君不見陽春二三月桃花李花參差發只知穠豔媚游蜂寧信芳菲付啼鵲八月九月露爲霜金天司候律中商此時羣榮盡搖落此際庭菊獨舒黃堂上三秀垂欲朽握中九畹寒相負渥暮翻窺造物心衰榮豈落東君手劉侯舊是含香客一官流擯非所惜肯

將憔悴傍重均自有風流勝彭澤白衣贈君酒一壺  
亭亭秋色凌霜孤他時再入承明地莫問玄都花有  
無

盆菊吟

焦竑

林莽蕭疎歲欲闌霜華射地明琅玕藕花夢冷鴛鴦  
浦白榆搖落西風寒盆菊君看開正小錦石高雲相  
照羅翠色離離秀可餐浮香灼灼寒仍峭翻羞桃李  
宮春生淺白輕紅剩有情連枝無那妖嬈態一夜空  
驚風雨聲高人避喧來海嶠靜女無言偏窈窕時逢  
金令意轉佳移向玉堂看更好幽姿不與凡卉爭靈

氣曾延千萬齡青霞絳闕有時去歲寒且締同心盟

有菊爲盛德彰賦

顧清

江南人家誇有竹君家有竹還有菊延年一脈是仙  
傳不數江頭千畝綠茅簷灑酒紙窗淨竹闌宛轉苔  
階曲畦分種別人事盡雨沐風歸生意足八月欲盡  
九月初霜風漸高木葉枯鄰家蕭條我富貴金釵玉  
珮羅庭除湘纍放逐怨枯槁淵明亦爲五斗驅南陽  
老人空壽考食粟飲水終癡愚不如先生生長太平  
世讀書賣藥至老不受樊籠拘菊花本是蕭散物亦  
自樂與君爲徒自從入京師十年無地容揮鋤盆栽



擔賣不快意夢中往往尋郊居老去君方厭塵土病  
來我正思江湖青山何日遂東去一舟定與鴟夷俱  
疎籬矮屋時入眼楓葉蘆花堪畫圖此時我家菊亦  
盛亭館亦可羅尊壺君來不憚百里遠我能無酒爲  
君沽長安在西向東笑只恐春風桃李背面偷擲掄

夢玄所看菊

周倫

遠天長塞鴻鴈飛風山木落黃葉稀籬邊有菊競金  
紫九十春光寒不死看君持酒餐落英下有百尺寒  
潭清

買西園菊至招同社徐興公商孟和諸人花

下小酌因和短歌

陳鴻

幾處菊花殘西園餘數畝買來竹窻下折簡爲賓友  
把酒坐花旁一齊衫袖香春天百卉茂不及此幽芳  
堦下涼風薄暮起枝枝低拂深盃裏願君盡醉宿我  
家明日更買西園花

七言律

菊

李山甫

籬下霜前偶得存忍教遲晚避蘭蓀也銷造化無多  
力未受陽和一點恩栽處不容依玉砌要時還許上  
金尊陶潛沒後誰知已露滴幽叢見淚痕

劉員外寄移菊

李山甫

秋來綠樹復綠牆怕其平蕪一例荒  
顏色不能隨地變風流唯許逐人香  
烟含細葉交加碧露拆寒英次第黃  
深謝栽培與知賞但慙終歲待重陽

奉和魯望白菊

司馬都

耻共金莖一例開素芳須待早霜催  
繞籬看見成瑤圃汎酒初迷傍玉杯  
映水好將蘋作伴犯寒疑與雪爲媒  
夫君每尚風流事應爲徐妃致此裁

和魯望白菊

張賁

雪彩冰姿號女華寄身多是地仙家  
有時南國和霜

立幾處東籬伴月斜謝客瓊枝空貯恨袁郎金鈿不  
成誇自知終古清香在更出梅粧弄晚霞

和魯望白菊

鄭璧

白艷輕明帶露痕始知佳色重難羣終朝凝笑梁王  
雪盡日晴飛謝帝雲燕雨似翻瑤渚浪鴈風疑卷玉  
綃紋瓊妃若會寬裁剪堪作蟾宮夜舞裙

和魯望白菊

皮日休

已過重陽半月天琅華千點照寒烟蕊香亦似浮金  
屑花樣還如錢玉錢玩影馮妃堪比艷鍊形蕭史好  
爭妍無由摘向牙箱裏飛上方諸賻列仙

酬皇甫郎中對新菊見憶

白居易

愛菊高人吟逸韻  
悲秋病客感衰懷  
黃花助興方攜酒  
紅葉深愁正滿階  
居士葦暄今已斷  
仙郎盃酌爲誰排  
愧君相憶東籬下  
擬廢重陽一日齋

白菊一叢呈知己

陸龜蒙

還是延年一種材  
卽將瓊朶月霜開  
不知紅艷臨歌扇  
欲伴黃英入酒杯  
陶令接離堪岸著  
梁王高屋好歌來  
月中若有閒田地  
爲勸嫦娥作意栽

憶白菊

陸龜蒙

我憐貞白重寒芳  
前後叢生夾草堂  
月朶併開無絕

豔風莖時動有奇香何慚謝雪中情詠不羨劉梅貴  
色粧更憶幽窻凝一夢夜來村落有微霜

野菊

李商隱

苦竹園南椒塢邊微香冉冉淚涓涓已悲節物同寒  
鴈忍委芳心與暮蟬細路獨來當此夕清樽相伴省  
他年紫雲新苑移花處不取霜栽近御筵

和馬郎中白菊

李商隱

陶詩只採黃金實郢曲新傳白雪英素色不同籬下  
發繁花疑自月中生浮盃小摘開雲母帶露全移綴  
水精偏稱含香五字客從茲得地始芳榮

詠白菊

羅隱

雖被風前競欲催  
皎然顏色不低摧  
已疑素手能粧出  
又似金錢未染來  
香散自宜飄綠酒  
葉交仍得蔭青苔  
尋思閉戶中宵見  
應認寒窗雪一堆

建中覓菊于希詰

歐陽徹

覓菊東籬帶曉烟  
持觴獨放竹溪仙  
擬攜賸唱社中侶  
來伴沉酣市上眠  
清叔能詩曾不速  
廣文嗜酒恨無錢  
倘蒙開戶同轟飲  
一斗豪顛也百篇

軒前菊蕊將綻  
因書四韻示希詰  
約九日聚飲于此

歐陽徹

菊英粧點近芳辰  
風掠清香已襲人  
端的樊川携玉液  
來同靖節賞金塵  
藏閣戲賭杯中物  
投轄堅留座上賓  
惡客不容汚吾社  
攜雲要掃筆鋒神

和府催官冬菊

蘇頌

經冬寒菊已離披  
梁苑殘英尚滿墀  
尊酒還思元亮醉  
秋香又過子愚期  
尋芳意思人尤厚  
耐冷枝條土所宜  
墨客有誰偏好事  
留將樂府著新辭

和晚菊

王安石

不得黃花九日吹  
空看野葉翠葳蕤  
淵明醅釀知何處  
子美蕭條向此時  
委翳自甘終草莽  
栽培空欲傍



藩籬千花萬卉凋零後始見閒人把一枝

戲題菊花

蘇轍

春初種菊助盤蔬秋晚開花插酒壺微物不多分地  
力終年乃爾任人須天隨七著幾時輟彭澤尊罍未  
遽無更擬食根花落後一依本草太傷渠

和崔象之紫菊

韓琦

紫菊披香碎曉霞年年霜晚賞奇葩嘉名自合開仙  
府麗色何妨奪錦砂雨遲蕭疎凌鮮暈露叢芬馥敵  
蘭芽孤標只取當筵重不似尋常泛酒花

惜菊

孔平仲

碧玉枝條手自分  
花開晚節最憐君  
斜簪短髮能迴  
老蒲泛清樽要助  
醺着雨半荒猶爛  
漫繞闌三嗅倍  
氤氲更收殘藥縫  
爲枕長得秋香深  
夜聞

次韻錢紫微白菊

劉摯

晚秋風露下  
星榆玉刻圓  
錢散曉林人住  
水涯多白髮  
地應花谷近  
清都按香漬  
酒登新譜益  
氣輕身載舊  
園移取黃堂  
朝夕見北洲  
亭遠故臺蕪

次韻桃花菊

朱服

籬邊不語自成蹊  
紅入秋叢見亦稀  
亂插烏巾酬老  
健輕浮白酒惜春  
歸劉郎一去花何  
晚陶令重來色

已非蝶散蜂藏無足怪冷香寒艷不堪依

菊花

徐積

爲汝花中開最孤詩翁可惜屢提壺却應有意酬青  
眼渾似傾心向白鬚擊銅鉢時吟更好擲金錢後醉  
相娛楊妃只有黃裙在且問風霜留得無

菊花

劉子翬

青蘂穠郁早抽芽金蕊爛斑晚著花秋意祇應宜淡  
泊化工可是惜鉛華輕烟細雨重陽節曲檻疎籬五  
柳家暮醉朝吟供採摘更憐寒蝶共生涯

次韻菊坡

朱松

露泚秋英濕曉陰小坡新剝竹幽尋似欺蘭晚芳披  
雨腳對風卮旋屑金采采繞籬吟欲就垂垂壓帽醉  
難任使若致主唐虞了三徑無忘此日心

老兵種菊以詩謝之

朱棹

疏畦雨徑策蹇時徒種鄰壻菊兩枝九日無人過朱  
坡十分舉酒酌王尼花栽桌玉秋風健香近龍涎曉  
夢知負口不應還負眼長鑣煩爾鎮相隨

九月菊未花

楊廷秀

舊說黃楊厄閏年今年併厄菊花天但按青葙浮新  
酒何必黃金鑄小錢半醉嚼香霜月底一枝却老鬢

絲邊阿誰會得開遲意暗展重陽十月前

黃菊

岳珂

乾時已是過重陽翠幹重開滿地黃不爲晨暉借顏色要將晚節看芬芳  
宅邊豈必白衣至甕裏不妨紅友香喚起閒情老元亮頽然一醉答秋光

次韻時從事桃花菊

侯延慶

霜郊百草半青黃寒菊偷春作艷粧灼灼似誇籬下客天天欲伴禁中郎  
玄都道士聞須種彭澤先生見定狂莫信化工欺世俗且將一笑薦彫觴

大桃塗次見菊

文同

英英寒菊犯清霜來伴山中草木黃不趁盛時隨衆  
卉自甘深處作孤芳其它爛漫非真色惟此氤氲是  
正香却念白衣誰送酒滿籬高興憶吾鄉

楊妃菊

林景熙

脂陽舊恨逐風飄歲晚山中霜露饒彭澤歸來空自  
老上原舞破爲誰嬌返魂碧海莫初炷宿酒沉香暈  
不消亦是前身曾捧硯品題因得入詩瓢

雨中對菊懷范東生

楊師孔

積雨經旬引愁緒小簷曲徑生青苔南山空翠眼難  
見東籬有花人不來到耳忽驚匡廬瀑知心忍負柴

桑杯秋光素淡未堪洗安得長風吹天開

對菊

宋伯仁

少有惺惺得到頭此心何苦懶方收五湖烟雨長如  
昔一捻功名不自由世事莫將真箇看客程難作舊  
時留人間豈欠淵明若見着黃花便合羞

訪菊花山人沈莊可

樂雷發

網盡珊瑚采盡珠只餐秋菊養時臞永嘉同社聲各  
在乾道遺民行輩孤我恨朱門無俗客君言青史有  
窮儒饑寒正用昌吾道且對鈴圖共撫鬚

雪霽山徑菊花猶盛

王禹偁

狼藉金錢澈野塘。幾叢無力臥斜陽。爭偷暖律輸桃李。獨亞寒枝負雪霜。誰惜晚芳同我折。自憐孤艷襲人香。幽懷遠慕陶彭澤。且撚殘英泛一觴。

酬景盧謝菊

洪适

涉秋無復滴階聲。夜雨隨風塵已清。平日愛山營一壑。老來學圃列三城。園夫種樹原無術。籬菊分叢獨晚榮。躡屐問花兼問柳。不須乘露可泥行。

次韻奉酬徐一之送菊

陳傅良

桂叢蘭畹悄無譁。但有哀鴻天一涯。節物更誰知白髮。交情于此見黃花。聲名獨立空秋際。香色平鋪與



露華南雅未收騷致意騷人應欲補詩葩

和林宗易菊花韻

陳傅良

一歲所餘秋有幾重陽偏與老相催每憐白髮能長健  
雖愛黃花亦懶栽好景游從須好友新詩風味似新醅  
人生適意無過此恣聽東籬早晏開

鍾君惠白菊賦謝

周履靖

空齊九日渾無賴未著籬邊一二花喜有故人遺白菊  
先分秋色到寒家月明靜夜香堪挹枝傲清霜艷轉嘉  
欲學淵明耽玩賞且將杯酒閱年華

九日不見菊

周履靖

瀟瀟風雨滿陶籬何事重陽菊放遲應笑王弘空載  
酒好教杜甫謾題詩蹉跎宴賞辜時序在再年華有  
幾絲瘦似黃花人不見滿懷愁思訴憑誰

桃花菊

王儼

淚洒明妃寄露葩換根非爲貯丹砂黃輕白碎空多  
種碧爛紅鮮自一家騷客賦詩憐晚節野人修譜是  
頭花九秋霜露無情甚時約行雲護彩霞

菊花開送徐靈淵

葉適

白頭幾度逢重九方是今年種菊花衰病自憐何處  
看馨香聊向小園誇討論搖落生光怪暖熱風霜與

麗華正好行吟君已去別移秋色付誰家

對菊有感

馬揖

嬰鑠山翁志未衰生平惟菊供襟期清標慣與霜爲  
敵貞節不求春見知把酒相念陶栗里採茗同調陸  
天隨浮榮過眼真堪笑秋晚論交更有誰

白菊

馬揖

寒香獨立向吾廬風采精神與衆殊細琢水晶成格  
範巧裁雲母作肌膚霜凝葉辨疑何厚露滴花心認  
却無縱使雜居流品內知君浩浩不能汙

紫菊

馬揖

紫府羣仙衣紫霞却喚素節不繫華移將西掖三秋色散作東籬九日花荷葉旁觀難入社菜羹相與是通家覩莊屨服還同調莫向西風立等差

詠菊

汪彥章

依倚西風不自持蕊蕤羽葆雜金規繁開不負朝陽色獨步非關吳帝私把酒可能追靖節掇苗終欲慕天隨春紅過盡聊經眼賴有芬芳慰所思

次韻十五日菊

丁寶臣

秋香多日閱英華霜脫離離抱砌斜趁節不隨時俗眼近冬真是歲寒花摘解舊入騷人筆載酒誰尋醉

令家曾讀南華齊物論均無遲速可驚嗟

其二

寒芳開晚獨堪嘉  
開日仍逢小雨斜  
秋盡亭臺凋木葉  
月圓時節伴葵花  
幽香不入登高會  
清賞終存好事家  
黃蕊綠莖如舊歲  
人心徒有後時嗟

都勝菊

江表

似嫌春色愛秋光  
格外風流晚獨芳  
淡泞精神無俗艷  
豐腴肌骨有天香  
玉攢碎葉塵難染  
金蹙深心蝶謾狂  
曉帶露華初折贈  
瑤臺欲識斬新粧

御愛菊

江表

黃花開盡白花開移自新羅小小裁雅質似嫌施粉  
黛玉肌端是屑瓊瑰曾忝御側龍顏愛尚帶天邊月  
色來輕著曉霜添嫵媚看勻紅淺上香腮

五色菊

江豪

孤根分剗便成叢色弄輕黃轉紫紅愁似歛容羞白  
月淡如無語怨西風自緣取賞人心別不許陪觀衆  
志同亂折東籬休借問多情誰是主人翁

贈菊

陸游

花裏風神菊擅名品流不減晉諸卿梅因相與有瓜  
葛蘭復何憂無弟兄移後併逢三日雨開時恰值十

分晴傍籬小摘供囊枕留得殘香夢亦清

雪後小霽撚菊苗薦茗

短窗烘日見深明墻角泥乾路欲成槐葉索澗春漸  
近菊苗薦茗雪初晴寒襲且對天隨子大白誰浮阮  
步兵願 芳香明老眼要翻書葉送餘生

題師魯菊逸卷

李孝先

十年種菊東臯下爲愛清香更不衰晚節未愁霜露  
迫苦心終與歲寒期南陽身後成何事彭澤歸來祇  
自知見說大官憂轉劇平生匡濟欲誰爲

次韻雙頭菊

袁桷

袖舞西風大小垂駢頭顚立傲霜枝步搖高擁車同  
入笑厯初釧坐共移素質斷金疑並蒂閒情餐玉喜  
浮觴蓮池睡冷鴛鴦起似怨秋風有恨離

次韻史允叟殘菊

袁桷

白鴈西風幾夕陽故園牢落是他鄉獨憐壽客三秋  
晚不受玄都一夜霜曉沐緩垂蒼玉珮晚粧愁帶紫  
羅叢凝香深院誰消得時許飛瓊點額黃

菊

趙秉文

水冷雲疎木葉黃繞離目送鴈南翔酒傾桑落林廬  
靜秋入騷人齒頰香人惜後期沾雨露天教晚節傲



風霜憑誰寄語陶元亮不爲南山興自長

菊

趙秉文

西風吹葉靜千林獨自幽香伴苦吟細葉宮槐舒碧  
皺小花佛頂暈黃深誰憐細雨情何限可惜清霜瘦  
不禁寄語兒曹莫輕折重陽留待付孤斟

冬菊

馬臻

三徑荒蕪冷未分尚留秋色在籬根盈枝香老爭霜  
力繞砌叢低上凍痕芳芷不禁甘委質早梅如見斷  
銷魂又輸彭澤餽詩興雪滿南山酒一樽

陸氏菊遺

陳旅

望仙橋下市塵間  
汨汨紅塵沒馬鞍  
誰種禽花蒲幽  
逕故收野色入晴闌  
籬根荷鍾培深雨  
鄰曲移盃對  
早寒玩此芳叢足  
怡老南山當戶不  
曾看

謝曹雲西菊

楊載

聽鶴亭西處士家中  
園萬本植秋華  
攜鉏歲歲根株  
茂載酒時時興  
趣嘉已散自英  
凝曉露更敷紅  
艷照  
晨霞新題料得  
篇章富肯示回  
游細細誇

謝雲西寄菊花

楊載

君種菊花兼五色  
能令秋日勝春時  
香浮瓊筍和金  
屑光射園林列  
錦堆遠水波寒  
凝慘淡嚴霜節  
屈厭

離披淵明去後踰千載猶有斯人把一枝

次鄧善之五月菊花詩韻

陳櫟

窻前來伴楚巾榴滴滴圓黃點徑幽不待臂英添醉  
興且隨腰艾動騷愁金明難辨一朝費花早看成五  
月秋澁露掇英真菊否名同實匪暫淹留

啖杞菊

洪希文

雷聲殷殷艸頭青又見春風拂翠屏夜吠精神存下  
體日餐功效益顏齡雪蘆細茗茶初熟鹽豉輕調酒  
半甌早辦蓊巾與芒屨明春要采首陽苓

次韻公才對菊見懷

姚孝錫

髮蓬新感二毛侵尚阻清尊對菊斟久擬芝蘭同臭味莫疑魚鳥自高深食貧豈復甘秦炙客病空懷奏楚音挂席無由上牛斗漫憑流水送歸心

野菊

元好問

柴桑人去已千年細菊斑斑也自圓共愛鮮明照秋色爭教狼籍臥疎烟荒畦斷壟新霜後瘦葉寒螢晚景前只恐春釐笑遲暮題詩端爲發幽妍

野菊再奉座主

元好問

晚景蕭疎畫不成晚花作意出繁英鮮明獨向霜露見爛漫却隨蒿艾生南國騷人知有待西風蝴蝶更

多情南山正在悠然處安得芳樽與細傾

十月菊爲鮮于彥魯賦

元好問

清霜淅淅散銀沙驚見芳叢閱歲華借煖定誰留翠  
被鍊顏應自有丹砂秋香舊入騷人賦晚節今傳好  
事家不是秋風苦留客衰遲久已避梅花

五月菊

陶宗儀

老圃乘涼起嘆嗟孤標底事便開花石榴明處朝同  
采紅藕香中酒漫賒回舫沅湘懷屈子薰風庭館屬  
陶家也知不爲趨炎出莫忘清秋興緒佳

並頭鶴頂紅菊次雲樵韻

陶宗儀

翻籬籬下合歡叢  
驂首昂藏沁淺紅  
湘浦淚沾仙羽  
若喬家醉嗅晚香  
同秋宵併作繁華夢  
春色勻光隱  
逸風自昔栽培無此本  
丹鉛圖寫待良工

黃白二色菊

陶宗儀

一本花敷二樣芳  
試稽別譜異尋常  
東籬夜結金銀  
氣彭澤神遊坤兌  
方正色半隨霜露  
改晚香渾似蝶  
蜂忙蠟葩月朶爭輝  
潔漁隱詩篇久播揚

菊枕

馬祖常

東籬采采數枝霜  
包裹西風入夢涼  
半夜歸心三徑  
遠一叢秋色四屏香  
床頭未覺黃金盡  
鏡底難教白

髮長幾度醉來消不得臥收清氣入詩腸

雙頭菊

馬祖常

金屈卮邊醉裏垂秋雲如幄貯仙姿寒生小靨迴鸞  
動香入流蘇睡鴨移結綬巧承西顥曲落釧羞帶月  
支眉青霜爲我催憔悴銀屋何人怨別離

和雙泉諸君題徐氏菊

凌儒

老圃秋光久破籬風前奇萼見應稀傳來天上疑無  
種開向人間信有機一斗肯容彭澤醉五車定解碧  
山園願題錦字求青女莫散銀花蒲露幃

茅亭移菊

凌儒

誅茅小結晚芳亭  
手植黃花蔭地星  
不事春華爭艷冶  
且分秋色慰凋零  
餐英可却乾坤老  
把酒寧知人世醒  
多少市喧驅逐盡  
棋聲隔竹靜堪聽

咏菊

東會王

震峯

紫白紅黃散曉霞  
錦叢繡朵致人誇  
霜前摘蕊折繁賴  
雨後分苗剖嫩芽  
忽慢數蹊供逸興  
強榮百品待年華  
蕭條籬舍秋容冷  
信是吾生樂有涯

倬廢圃殘菊

劉基

舊菊將蕪尚有根  
高秋相顧耿無言  
芳心不共青蘋死  
生態猶欺白露繁  
要待靈均餐落蕊  
從教元亮耻



空尊何人解識淒涼意分付寒蟬仔細論

九月晦日玉延亭看菊

王鏊

秋盡燕南菊有華品題猶自待詩家酒澆屈子醒魂  
杳燈晃西施醉影斜九日風光今已負百年世事亦  
無涯升堂細碎還堪擷杜老無庸晚見嗟

鵝鴿菊

楊基

曾隨鷗鷺浴滄浪又對芙蓉試淺粧露冷有香棲晚  
闌月明無夢到寒塘綠波春草當時雨黃葉秋風此  
夜霜莫道淵明最憐惜石簾應爲寫千行

雙頭菊爲周孟瞻昆仲賦

徐賁

籬落花開並蒂黃相依不是競秋光  
情親共冒重陽雨志傲同凌十月霜  
莫道寒英爲獨秀須知晚節有  
幽芳譜中異品誰能及只合題名作棣棠

詠菊

薛瑄

一氣蕭森百草黃獨留此物傲秋光  
霜從降後殊多艷風不來時亦自香  
詩客采英秋得句佳人倚竹暮凝粧  
歲寒惟有烏臺客共保芳根近畫堂

周原已席上賦十月菊

李東陽

布袍蕭索不勝涼坐愛芳心共日光  
何用門前看五柳始知秋後有重陽  
故園栽處田應熟小市開時藥

正香自古交期須歲晚相過不敢避風霜

醉楊妃菊次韻亨父

李東陽

誰采繁花席上題偶將名姓託唐妃日烘花萼曉時  
雨雨換華清浴後衣隔坐似邀秦國語揮毫未放謫  
仙歸欲從顏色窺生相已落詩家第二機

有菊爲醫士盛燧作

李東陽

幽人種花花滿家此花之外更無花懶隨桃李爭春  
色且共參苓閱歲華青眼舊憐攜綠酒白頭低愛挿  
烏紗不須更酌南陽水自引香泉灌藥芽

九日盆菊盛開將出郭有作

李東陽

買得長安擔上秋南山只在屋西頭  
花開正好逢佳節  
身病那堪復遠遊  
昨夜月明空對酒  
晚來風惡怕登樓  
兩情重有燈前約  
爲報花神作意留

冬至菊

李夢陽

至日貪看九日花  
弄霜吞雪轉宜誇  
思將正色留天地  
肯使陰陽管歲華  
寒蒂已包重放萼  
暖根應抱更生芽  
書雲莫誤禎祥奏  
斗酒東籬自有家

袁青田遺白菊名闌嬋娟

居節

欲闌嬋娟別作粧  
雪衣輕薄妬霓裳  
影雖可覓東籬月  
寒不能消昨夜霜  
映水似於秋借色  
倚風真覺玉

吹香芳名乍許人間識曾侍西池阿母傍

菊枕

瞿佑

不共茱萸入酒甌相親似欲老溫柔  
愁吟常伴風霜夜醉臥不知天地秋  
蝴蝶有香來夢裏黃金無價滿  
床頭並飲美女鴛鴦穩贏得相思事可憂

白菊

唐汝楫

一種芳姿迥出塵瓊瑤爲骨水爲神  
遙觀離下銜杯客疑是窻前映雪人  
冷艷未饒梅共色淡粧長愛月爲鄰  
幾回曉起掀簾玩認作何郎恐未真

咏庭前茱菊

文徵明

寒英剪剪弄輕黃百卉凋零見此芳天意也應憐晚  
節秋光端不負重陽郊原慘淡風吹日籬落蕭條夜  
有霜輪與陶翁能領畧南山在眼酒盈觴

菊花

王世貞

三徑雖荒爾尚存故將秋色點衡門千林落木誰堪  
毀九日浮英迥獨尊甘谷可延胡傅老沅波誰返屈  
生魂何如且向東籬下潦倒支頤付酒罇

菊

夏言

東籬孰植數枝芳點玉浮金白間黃豈是種嫌春氣  
煖都因性耐晚風涼露凝疎蕊添生意霜落殘花到

底香莫把品題歸隱逸還從老圃管秋光

玉堂對菊閣試

楊鋒

碧梧消息委銀床黃菊芳菲對玉堂  
禁苑栽培元得地仙家草木不知霜  
甘泉宮裏龍銜燭太液池邊鵲  
借裳東閣吟成花掖暮南端歸去彩毫香

九月晦日釣州公館見菊

唐順之

天涯已過三冬候客舍仍開九日花  
無那繁香紅雨歇獨看疎蕊向風斜  
餐英實有騷人興送酒虛疑陶  
令家想像故園搖落盡倍令遊子惜年華

二十日見菊

沈周

刺眼新黃見曉枝衆皆爭早獨何遲晚成霜下真能  
耐靜寄籬根不自昇聊補一年秋淡泊追嫌九日事  
參差老夫謝酒緣多病醒咏還如落帽時

蒔菊

沈周

合瓦團團縛小盆烟叢分蒔速秋軒先教辨葉方知  
種更慮澆泉太漬根寒透餘甘歸藥籠晚投薄分與  
柴門閒花解向天涯笑游子何時憶故園

殘菊寄謙素

陳獻章

徙檻編籬與護持託根何謝九江時數花寂寞元高  
品一賞延緣有舊知把酒忽驚今日意餐英誰弔古



人悲風霜未改微馨在看到  
立冬復幾詩

次趙提學十月賞菊韻

陳獻章

不論開早與開遲到處逢春把一枝  
清獻插來紗帽重陶潛醉倒葛巾欹  
青藜不赴先生召白雪虛傳幼婦詞  
却對藥欄何意緒江門店酒獨斟時

婁東荆石公餽菊賦謝

申時行

一水能通貫月槎九秋偏贈傲霜花  
瓊枝濯濯深含露紫艷蕤蕤細吐霞  
開傍松軒成晚節分來蓬島是仙葩  
試論禁苑追陪日何似園林樂事賒

對菊

申時行

獨坐高齋泛羽觴。且看叢菊媚重陽。繁英乍吐丹霞色。冷艷全分白雪香。好共清閑吟晚節。偏從搖落殿秋光。疎花短髮能相倚。三徑猶憐歲月長。

閏九月菊

袁宏道

殘黃疎白也堪憐。舞向先生屋角邊。一與清閑爲伴侶。幾番瀟散歷風烟。霜林已是呼前輩。秋蝶無因識暮年。拚取家醪三百盞。葛巾狼藉枕花眠。

菊花

顧璘

兀亮休嗟菊徑荒。謝庭還報繞籬黃。年豐幸有杯中酒。節勁何嫌鴈後霜。同氣芝蘭元自合。誰家桃李敢

言芳深根保取年年盛百歲吾曹樂未央

咏醉楊妃菊

喬長史

嬈娜嬌姿不耐霜芳根移得在昭陽帶將春色三分  
艷散作秋陰滿院香傾日尚疑聞羯鼓臨風猶自舞  
霓裳祇愁野鹿偷銜去寂寞梨園空斷腸

九月將望始對菊

陸深

遙憐佳節過重陽疊疊青山近短堦忽見黃花和我  
瘦不知白日爲誰忙買栽自嘆居無地欲插先憐鬢  
有霜攜向小齋風露背捲簾邀月伴秋光

高夔府先生宅內賞菊

何景明

淺白輕黃千萬枝幽香今日始相期雨中籬落人稀  
到水畔亭臺蝶不知折向秋風堪寄遠種因晚節故  
開遲去年此會今皆健來歲花時可對誰

九日對菊

陸可教

西風庭樹曉生涼蒲眼黃花照玉堂搖落未應隨衆  
卉孤高偏得占重陽繁霜點點催寒艷清露涓涓裊  
晚香莫問東籬今寂寞鳳城秋色白翅翔

送菊涯翁

何孟春

山徑曾陪九日遊數枝還爲一尊留買從遠市聊供  
節裁向名園合擅秋漸老有人憐客瘦乍寒無客替

蜂愁多情不用防吹帽短髮猶禁插蒲頭

王奉常招往西田賞菊

吳偉業

九秋風物令公香三徑滋培處土莊花似陽  
緋兼賜紫人曾衣白對衣黃未堪醉酒師彭澤  
欲借餐英問首陽轉眼東籬有何意莊嚴金色  
是空王

其二

不扶自立疎還密已折仍開瘦更妍最愛蕭  
齋臨素壁好因高燭照華鈿坐來艷質同杯  
泛老去孤根僅瓦全苦向鄰家怨移植寄人  
籬下受人憐

偕正泉過朱古公菊嶼

馬宏道

踐紉重尋小有天青苔染屐路迂偏石湖老去名真  
隱彭澤歸來號散仙九錫闢奇霜下傑千萌變態盡  
中傳紫陽韶令餘風致從此相逢豈世緣

其二

逕隔塵氛卽洞天蘿烟深鎖絕幽偏一亭何異衆香  
國百盜同班十賚仙天女洗粧空色相徵君抱節到  
今傳快遊却惜離金鳳好訂朱張結勝緣

張柱史衙齋對菊限韻同賦 張獻翼

紫萸黃菊妍初冬九日看來笑未逢採處江山青靄  
散餐時林館白雲重清霜都下廻驄馬疎雨籬邊感

藝文志五卷  
三  
候蛩秋盡共憐今夕與花前一醉已千鍾

同詠

張一鰈

五柳籬邊花意濃一杯何意得相逢霜寒玉蕊秋光  
淨露浥金莖艷色重清賞最堪攜野鶴孤標誰得伴  
吟蛩客來移置西窗下銀燭高烧過晚鐘

次兵憲王公韻

許承周

東山雅志莫相違海內如公信已稀心遠自能兼吏  
隱官高原不愛輕肥逋他籬下開三徑許我尊前醉  
白衣遲到秋風花事好看將晚節競芳菲

天津舟泊見岸女簪菊

鍾惺

常時九月上旬前未必寒花在酒邊插翫想他開已  
久驚心羨爾見能先數枝紅似霑霜氣一路香應照  
水天買置舟中伴蠻素欲成三婦各嫣然

紅菊

官一蓼

紅艷團團纈嫩芳九秋風月占高堂玉環夜宴華清  
苑西子春粧響屨廊醉伴琅玕屏畔月夢隨瑪瑙枕  
邊香若教解得尊前語見慣劉郎合斷腸

新齋對菊

熊卓

野客臨江一草堂碧雲遲菊倍年光當牆冷艷暉暉  
蘼蕪雪疎枝冉冉香豈有遊蜂喧暮景故須寬地著



孤芳還愁逝水催華髮日日攜壺醉不妨

白鶴翎

萬建易

趨妍鬥巧翻多事盡謝鉛華轉更奇時傍月霜如隱  
色偏憐黃絳逞幽姿素衣不帶風塵意片羽堪憐冰  
玉肌幾向秋來清思遠攬英直與素心期

咏雪菊

程嘉燧

雨中階下亦鮮妍詎料冰霜一夜纏洛女凌波廻  
婀娜娥倚竹泣嬋娟饋糧道士披雲臥漉酒徵君  
絮眼若把寒英比團扇秋風重熱不辭捐

移燈賞菊和十峰

顧清

寒叢可似浣溪花也逐銀燈上碧紗滿地月明搖墨  
暈一襟涼氣濕雲華旋浮綠酒須拚醉遍插烏巾未  
當奢却恐夜闌人欲睡寵光明日拜公嘉

黃菊

鄧雲霄

晚對金尊泛落英西山爽氣入秋明偏憐骨爲凌霜  
瘦更羨香緣飲露清薄宦幾年猶浪迹故園三徑正  
含情憑君寄謝東籬客嘯傲歸來得此身

修西園菊籬酌客漫賦

鄧雲霄

愛惜孤芳謹護持  
拳英片片灑寒卮  
乾坤逆旅誰爲  
主風物驚心有所思  
幽賞未逢桃李笑  
後時寧遣蝶

蜂知一官牢落今如此與爾高歌倒接羅

十月始見菊

袁公冕

怪爾清姿消瘦盡冷風疎雨亦淒其  
玄冬乍見真成晚白首相期亦未遲  
雲暗郡城愁獨坐日斜鄉國望移時  
尊前摘索原因醉燭底歌吟轉更悲

菊

張名由

熒熒雲樹繞江鄉秋盡茅廬菊有芳  
維絲陸離新就剪名姬綽約偶成行  
月臨蘚砌重重影風入疎簾細細香  
老去索居無長物定爲良友日徜徉

怡菊

曹泰

閒情晚興一籬花冷淡相看只在家  
斗米無緣官不愛重陽有客酒當賒  
碧潭涼露祛心病自髮秋霜感歲華  
見說飽餐能不死欲依三徑老烟霞

咏菊

盧綰

秋園色色簇新粧惟許貞心獨讓黃  
正氣全鍾乾位秀芳甘偏讓露中香  
落英誤解離騷註食杞珍傳貧宦方  
我亦自餘三徑在歸來莫只羨柴桑

九日以菊花酒寄施醇翁

王廷珪

每逢佳節憶淵明自採籬邊細菊英  
坐見南山橫紫翠遙聞北地落機槍  
澆胸止賴盃中物快意豈圖身

後名幸有酒兵堪一舉請公談笑下愁城

集蘇弘家齋頭看菊同用香字

張燮

焚枯酌醴坐中堂秋滿籬邊無數黃幾到迎風嬌欲舞翻因浥露淨含香清姿迸合芝蘭室遠韻偏宜翰墨場管取落英隨久供更從酌水問南陽

諸友携菊載酒至

王寵

菊花蒲叢酒蒲觴嘉賓奕奕森琳瑯蒼松白雲秀絕壁玉鳬金鴈喧迴塘自疑豪宕類北海轉覺村墅如柴桑齊觀大小總天地且與斥鷃相翱翔

尚之過飲菊下奉同一首

王寵

菊花爛漫開蒲室白雲翠壁搖秋光管寧榻靜坐終日陶令籬疎時一觴野鶴向人紛自舞浴鷗喧渚澹相忘老農饌客惟麤糲祇賞南山萬疊蒼

李士英劉道亨過園居看菊

吳寬

詩人渾不厭貧家閒就荒園看菊花傾側蠟醅鏡未磨品題秋色句爭佳殘英抱節真霜傑本草言功有日華醉後却勞歸騎晚西風烏帽數枝斜

節後見菊

吳一鵬

重陽已過十餘日纔見疎籬菊有花厭逐紛華供俗

眼獨留冷淡伴詩家清霜數朶水邊淨落日一枝風  
外斜爲汝秋深慰蕭索酒酣聊取插烏紗

對菊小集次盧涑西太史韻 駱文盛

淺紅深紫信誰強晚色今看獨讓黃客至祇應供一  
笑詩成不覺到斜陽風流已占陶園景翰墨仍薰漢  
署香飲盡不須愁酩酊邊庭今已奏干襄

十日菊

桂

節去花空滿舊籬分明有客掇殘枝芳尊獨酌還成  
趣華髮雙簪也自宜棄置不須傷落莫遭逢喜共慰  
衰遲僕夫向我殷勤說莫遇兒童恐被嗤

九日賞菊

袁仁

蔓草羅幃貯曉風，繞溪黃蝶何叢叢。  
晚色不隨桃李伴，春光都在雪霜中。  
花開北牖酒初熟，人到南山慮  
總空。昨夜溪翁徵往事，南軒相對說陶公。

邵節夫宅對菊次劉克柔韻 周用

覓得詩人陸務觀，菊花况復耐高寒。  
酒星夜出黃姑渚，筆陣秋橫白帝壇。  
生黍不須吹玉琯，落梅何處坐金鞍。  
不嫌冷淡幽人伴，雪乳冰螯細細餐。

其二

秋晚看花未較遲，羽儀不放主人知。  
夜來杯酒無多



客日後風霜得幾時却笑劉郎懷舊約尚憐秦女剪  
新羈穠華不共春花落消得西堂百咏詩

其三

兩鬢西風滿面霜問渠可是鄧州黃已從佳節悲陶  
令且復長歌學楚狂翠幙遮園憐醞藉彩毫點綴覺  
芬芳誰家今夜無高興畫燭銀屏滯晚粧

縣官衙菊

周用

郎官種菊當東曹觀物未必忘心勞百花自覺此輩  
好九日欲登何處高草萊我亦愧老圃風雅君復追  
離騷深黃早晚着秋色把酒相期窺御袍

立冬日洞庭山社集看菊

路澤農

三吳秋盡不知寒，黃菊經秋尚未殘。  
鄉里衣裳少新製，草堂詩酒任交歡。  
十年旅夢悲王粲，隔代風流憶謝安。  
且向花前拚一醉，洞天福地此中寬。

菊泉

盧

崑崙

僻徑戎戎千樹霜，清臨流水注秋光。  
黃金淨躍潭中影，青眼倒窺涯上芳。  
彭澤漣波滋晚節，岷山寒日浴殘粧。  
長源到海無窮盡，添試曹溪一勺香。

賞菊次韻

盧

冠嶽

飲水餐英作壽基，蒲庭霜傑副襟期。  
尊前未履踏紅

葉頭上金錢蘸綠卮秋色已拚今夕醉朔風何急向  
離吹自知根蒂從來固誓不飄零蒲砌墀

重九後菊

葉顥

癡蝶狂蜂未用疑從來根性懶趨時情知不少爭先  
輩故遣遲開殿後枝斜日園林方冷淡西風天地特  
清奇芳苞小蕊秋香老不是淵明斷不知

時和送予白鶴翎菊

周倫

新居昨日攬秋芳一種還分七尺強細剪千翎如鶴  
羽中舍一瓣帶鵝黃寒英已過重陽節老幹全勝五  
夜霜從此瑤華頻入咏香風淨動紫萸囊

燈下賞菊

周倫

更漏沉沉客滿筵  
旋移黃菊素屏前  
卽開樽酒聊乘興  
亂發燈花若鬪妍  
看去醉疑蒙紫霧  
折來香欲動華顛  
相看記得長安夜  
對影題詩又五年

逸友

陳懋仁

穎擢黃中老自安  
淺香纖冷更堪觀  
野人籬落真秋色  
霜日葳蕤領歲寒  
有酒常依微士飲  
懷沙聊御逐臣餐  
茗茗三徑猶存者  
誰得幽情似考槃

漢書卷之五